



Direktoratet for mineralforvaltning
med Bergmeisteren for Svalbard

Adresseinformasjon fylles inn ved ekspedering.
Se mottakerliste nedenfor.

Dato: 22.03.2021
Vår ref: 18/00048-13
Deres ref:

Høring av søknad om driftskonsesjon for Muggeteigen på gbnr. 46/1 i Lærdal kommune. Søkjar: Voll Lunde Maskin AS

POST- OG BESØKSADRESSE
Ladebekken 50
7066 Trondheim

TELEFON + 47 73 90 46 00

E-POST post@dirmin.no

WEB www.dirmin.no

GIRO 7694.05.05883

SWIFT DNBANOKK

IBAN NO5376940505883

ORG.NR. NO 974 760 282

SVALBARDKONTOR

TELEFON +47 79 02 12 92

Direktoratet for mineralforvaltning med Bergmeisteren for Svalbard (DMF) har motteke søknad om driftskonsesjon etter minerallova § 43. Ein driftskonsesjon fastset blant anna korleis mineralførekomsten skal takast ut, korleis uttaksområdet skal sikrast under og etter enda drift, og andre forhold som må takast hand om under drifta. Driftsplanen for uttaket er ein del av høyringsdokumenta.

For at søknaden skal bli så godt opplyst som mogleg, sender vi saka på høyring, jf. forvaltningslova § 17. Heile eller delar av høyringsfråsegna kan bli refererte i vedtaket om driftskonsesjon. Vi presiserer at det er kommunen som bestemmer arealbruken i medhald av plan- og bygningslova.

Fråsegner knytte til dei arealdisponeringane kommunen har vedteke, legg vi derfor ikkje vekt på i vurderinga vår.

Høyringsfrist: 26. april 2021

Høyringsdokumenta er tilgjengeleg på <https://dirmin.no> under «saker til høring».

Samandrag av søknaden

Voll Lunde Maskin AS (org. nr. 989 024 574) har søkt om driftskonsesjon for Muggeteigen som er lokalisert på gnr./ bnr. 46/1 i Lærdal kommune. Omsøkt konsesjonsområde er på 32 dekar og fremgår av kart i høyringsvedlegget side 4 og 5. Det vert teke ut ein gneisaktig anortositt-gabbro som er intrudert av ein kvit granodioritt eller kvartsdioritt (trondhemitt).

Området er i kommunens reguleringsplan vedteke 9. februar 2017 regulert til steinbrot og masseuttak.

Det er anslått eit årleg uttak på om lag 20 000- 50 000 m³, og eit totaluttak på om lag 1 250 000m³. Årleg uttak kan variere som følge av marknad og etterspørsel.

Kva vurderer DMF i samband med søknaden?



DMF vurderer søknadene etter skjønn før vi eventuelt tildeler driftskonsesjon. I vurderinga legg vi vekt på om søkjaren er «skikka» til å utvinne førekomsten. Det vil seie om prosjektet synest økonomisk gjennomførleg, om søkjaren har god nok kompetanse, og om det er lagt opp til bergfagleg forsvarleg drift av førekomsten.

Vi vurderer òg

- kva tiltaket betyr for verdiskaping og næringsutvikling
- korleis tiltaket påverkar naturgrunlaget for samisk kultur, næringsliv og samfunnsliv
- korleis tiltaket påverkar omgivnadene og nærliggjande område under drifta
- kva miljømessige konsekvensar tiltaket får
- kva planar som ligg føre for etterbruk eller tilbakeføring av området

Forventingar til høyringsfråsegnene

DMF oppfordrar om at høyringsfråsegna inneheld grunngjevne synspunkt på om driftskonsesjon skal tildelast eller ikkje med bakgrunn i dei forhold som DMF skal vurdere. Om det er forhold som ikkje er tilstrekkeleg opplyst i søknaden, ber vi om informasjon om det.

Vi ber særleg kommunen, statsforvaltaren og fylkeskommunen opplyse om tiltaket påverkar miljøet, mellom anna naturmangfald, kulturminne og inneber forureining. Vidare ber vi om instansane si vurdering av eventuelle konsekvensar og konkrete forslag til avbøtande tiltak og vilkår.

Vi ber kommunen om å informere oss snarast dersom partar som saka vedkjem i særleg grad, ikkje står på adresselista for denne høyringa.

Høyringsfråsegnene skal sendast til e-post: post@dirmin.no eller med ordinær post: Direktoratet for mineralforvaltning med Bergmeisteren for Svalbard, Ladebekken 50, 7066 Trondheim

For nærmare informasjon om minerallova med tilhøyrande forskrifter, sjå heimesida vår på www.dirmin.no. Her finn du og vår digitale kartløysning, som er eit nyttig verktøy for oppdatert informasjon om mineraluttak, bergrettar m.m., supplert med relevante kartdata frå andre etatar.

Med helsing

Christine Langås Kaspersen
overingeniør

Ingrid Nygård Pedersen
seniorrådgiver

Dokumentet er elektronisk signert og har difor ikkje handskrivne signaturar.
Sakshandsamar: Ingrid Nygård Pedersen



Mottakarakar:

Statens vegvesen Region vest	Postboks 43	6861 LEIKANGER
Statsforvalteren i Vestland	Njøsavegen 2	6863 LEIKANGER
Lærdal kommune	Postboks 83	6886 LÆRDAL
Vestland fylkeskommune	Postboks 7900	5020 BERGEN

Kopi til:

Voll Lunde Maskin AS	Tønjum	6887 LÆRDAL
----------------------	--------	-------------